

隨州志卷十五

寺觀

琳宮梵宇二氏之室遍郊邑矣其間負山水之勝者往往爲前人遊屐所至見諸吟咏雖時興時廢聽其自然而其地不可沒也

報恩寺在城西南文明門外建自南唐宋元豐間制度宏敞明正統七年鑄鐵佛三尊徑二丈院內洪鐘一鐵色光古可容數石元泰定四年十一月鑄萬曆間官爲募修殿閣增勝竹樹成行爲州中巨刹後屢經兵燹城內

隨州志

卷十五

寺觀

一

外古刹俱廢而此寺巍然如魯靈光

國朝順治十七年知州陳秉化於寺中設壇每月朔宣讀聖諭廣訓損貲重修新建地藏殿法堂於大殿右學正張之杜撰記乾隆十二年知州王雲翔重修

新關帝廟在南關東街後康熙中山西諸商公建知州張鎬有碑道光初易名山陝會館咸豐十一年燬

十方菴在城南漢東門內建自明代崇正兵燹之餘殿宇無存

國朝康熙六年僧超澄募修彌勒像里人趙氏爲建殿見

王岱募修彌勒殿疏咸豐十一年又毀於賊殿宇半存
江南文公祠在南關襟漢樓外乾隆二十七年江南諸商
公建今廢

東臯寺在龍會門外三里明代建每屆春日修禊士人讌
集如雲

金燈寺在城東五里宋慶歷間知渭州尹師魯謫隨州日
居斯寺梅聖俞詩題有使者自漢東來言師魯寓止僧
舍蓋卽指此寺也有尹公亭在院北高阜處竹栢環列
是師魯所建以爲遊息地州從事謝景平有記熙甯中

隨州志

卷十五

寺觀

二

知隨州李禹卿復修之曾子固記

載藝文中

但曾記云尹公

謫是州居城東五里開元佛寺之金燈院則當時尙有
開元寺而金燈乃其下院也今俱廢

護國寺一名三寶菴在北關外西街後建始莫考後廢康
熙十年知州劉霽重建

百子菴在北門外高家橋北俗呼觀音堂自明以來有之
後廢順治十六年知州陳秉化重建同治七年復修
智門寺在城南三里隨城山其始建無考順治十六年知
州陳秉化重建有重建寺碑記其文爲前州判唐高賦

撰稱寺爲光祚禪師飛昇處光祚不知何時人又述其語錄有蓮花荷葉兔子懷胎諸說謂備載宗譜今亦不傳又云寺歷唐宋數百禩順治初宗門僧慈航於山下掘得斷碑有智門遺蹟字乃告於知州程文光爲創建佛殿三楹後知州陳秉化復大爲募修規模始具寺有七層塔明代建今圯其半

迴龍寺在城南十二里迴龍山雍正元年建形家言地爲州治文風所關故建此寺山下有泉味極甘冽

寶善寺在城南二十里浙河店中街舊名茶菴始建無考

隨州志

卷十五

寺觀

三

龍泉寺在州東北四十里雷山之後建始無考寺中有黑

白二龍湫爲里人禱雨之處

青雲寺在州東四十里萬家店乾隆四十八年建

泉水寺在州東四十里建始無考清泉瀉石曲徑穿林別

成幽勝

雙河寺在州東北五十里塔兒灣東鍾靈山上其建始無考

高城寺在州東北八十里高城鎮舊名慈氏寺元至正五年建明萬曆甲辰重修其殿宇極盛今傾圯殆盡寺中

有四銅佛像其大者高五尺藏經八百餘函又有鐵鐘
鐵磬鐵碑皆明代鑄自記碑重二千八百斤門外鐵磴
云重四百五十斤

佛子洞在州東北一百五十里因洞建寺創始於宋大觀
九年後漸圯明參將宋之彥重修之又建西來閣於洞
巖之上侍郎張之蕙爲作序其下有金臺觀亦宋世遺
蹟

金仙寺在佛子洞山明末里人王鳴鳳建

華藏寺在州北一百五十五里宋家灣明成化五年建

隨州志

卷十五

寺觀

四

準提寺在州東北二百里淮河店建始無考乾隆十五年
寺僧某重修

大悲寺在淮河店明正德五年建

龍潭寺在州東北一百九十里白水崖爲明僧真空卓錫
地其建始無考監察御史南豐宋原端有重修龍潭寺
真空菴記稱空爲新淦陳氏子幼披荆於袁州慈化寺
按空卽覺海月公受度師又曾主赭陽普嚴道場一峯
碑稱其禪行堅潔亦當時耆宿也山下有東西兩大寺
太平寺在州北一百九十五里太白山絕頂不詳其建始

何年舊志但稱漢留侯辟穀處未知何據寺北有留侯洞

延福禪院在州北一百八十里晃山下俗亦稱爲慈忍禪師修道之所

雲禪寺在州北一百五十里七峯山白石巖林巒盤鬱饒有異景明嘉靖十三年某僧建寺中有碑述此僧行業但其名字剝落考普濟寺碑稱宣德中有真空禪師住持此山妙覺寺不知此寺卽是妙覺寺否左白龍池爲里人水旱祈禱之所其西南十里有黃龍寺在黃龍池

隨州志

卷十五

寺觀

五

上寺中範銅爲佛及諸天像共十有四舊志載有僧大休棲止此山亦不知卓錫何寺

來安寺在州東北一百十里攬弩山建始無考

青臺寺在州北一百里

興福寺在州北一百里小石山明僧永斌建

普濟寺在州西北一百五十里嶧嶗山眾峯圍拱之中巖然深藏殿有三鐵佛像殿東一龕有魯班像寺於明爲巨剝後漸圯今惟西偏數楹稍加修葺以存舊貫而已中有二碑一碑爲明月公禪師行業碑河南沙門一峯

撰稱寺爲唐慈忍大師創建盤基宏曠歷代增修遭兵燹基址俱陷正統甲子師方卓錫斯山乃芟其茅茨孤隱數年四方善信聞風來謁相尾於徑大路方通歲在戊辰鳩工庀材歷有年載漸次落成殿堂廊廡法輪寶藏莫不軒翥丹碧繩直翼舒巨剎頓成宗幢斯樹前代廢墜煥然一新望隆維楚矣一碑是住持通公碑錢塘沙門德詳撰稱通能紹述宗風及善信棘陽袁銘袁志捨財裝塑伽藍事

羅漢寺在州西北一百三十里蔣家山卽雞鳴支峯也明

隨州志

卷十五

寺觀

六

成化五年建

大悲寺在州西北一百三十里鐵山之前舊名古觀音堂
成化五年建

巖巖寺在獅子山明成化五年建因山爲基高下殊致內
有千佛繞毘盧像

孤山寺在州西北一百里孤山之南俗稱南殿寺建始無
考

長慶寺在州西四十里清涼山下宋僧長慶開山道場也
長慶於元祐初來隨以山景幽異故建剎其地中有七

井可供千僧汲蓋慶師道法廣播遠近趨向緇徒依座
迨及千人移錫後法席猶盛自宋歷元明爲兵火所不
到人以長慶爲福地明末流寇日熾土人環山爲堡爭
藏其中者二十年無一人遇害寺久漸廢

國朝順治初一老僧苦身募化閱二十年功始克竣其前
爲大雄殿東向爲大上殿後爲三佛殿進爲地藏殿又
進而西向爲關帝殿皆雄壯加於前齋堂靜室香積僧
寮無不備七井湮塞過半僧濬其一二州人梁木記惜
不載此僧名或云僧亦州人其初避難堡中者也

隨州志

卷十五

寺觀

七

寶豐寺在州西四十里宋元祐中僧長慶建記稱於澁岸
北十里立寶豐寺卽今寶德觀實長慶寺下院也

觀音寺在州西四十里安居之北亦長慶建蓋慶師法筵
旣廣禪侶雲集故分立南北兩院以居諸徒

丫角寺在州西七十里明中觀下西入郢中徑途狹曲

嵩山寺在州西八十里澗潭東寺在山上北臨潭水

黃龍寺在州西一百三十里

湯池寺在州西南一百二十里寺以溫泉得名其前有湯
池

靈峯寺在州西南一百三十里大洪山頂俗稱洪山寺唐慈忍禪師道場也慈忍受法於馬祖馬祖送之有遇湖卽住之語寶曆二年七月行抵山麓問山何名鄉人曰大湖山慈忍遂默契師言卽卓錫焉後以祈雨獲應鄉人張武陵施地爲菴因山構屋高下錯落極山居之勝文宗朝賜名幽濟禪院晉天福中賜奇峯寺額宋元豐元年又賜靈峯寺額皆以祈禱有功也元祐元年州人覃道辰重修紹聖元年詔以少林寺僧報恩爲洪山住持恩至遂鑿險爲平闢其南面以正方位於是堂殿門

廡規模宏整翼然巨構矣改名十方禪院張商英記之乾道元年州人覃道鍾復修西殿元至元中僧宗明復以禱雨有功眾爲重修殿宇勅賜崇甯萬壽禪寺額明正統間僧通賢自南京受檄來主法席因建藏經閣宏治燬於火其徒宗滿復募眾施重構殿閣崇飾諸像嘉靖初住持宗然復建天王殿及丈室儀觀益備僧紹滿置五大部經繪諸佛像崇度閣中巡撫顧璘爲記自是以後寺亦漸頽廢僅餘南院爲羣僧棲止之所萬曆間蜀僧廣祥駐錫茲刹於是發願重修以復唐宋靈蹟經

始於崇正四年大雄祖師諸殿藏經鐘鼓樓以次畢舉
至七年二月落成額曰楚山望剝州進士田見龍記有
藏經塔在豬龍陂上高三丈七尺宋嘉祐七年建中藏
經五百一十六函及諸佛舍利其先後寫經人姓名具
載於碑

四聖菴在州西南一百十里聖堂里建始無考今以名其
里蓋亦古剝也

望洪寺在州西南八十里佛兒嶺寺久頽廢明嘉靖中里
人尙瑚嘗見此山中夜放光現金真妙相乃卽其舊址

隨州志

卷十五

寺觀

九

捐貲建眞武殿極宏敞列左右廊四面爲垣前建茶
廳施茶以濟行人蓋地爲入郢要道謁興獻園寢者輒
輶所必經至此得休憩焉應城進士陳士元記之

泉興寺在州南九十里盤龍觜建於唐代後廢明天啟六
年僧了惠重建幽徑迴旋層巒環向寺左清泉出巖石
淙淙不絕前澗中多奇石縐秀可玩

妙濟寺在州南六十里靈泉山前臨五港故俗稱五港寺
碑爲宋大明五年立其字剝蝕已盡歐陽公集古錄蒐
羅天下碑刻殆遍而於隨之義井蔡昭墓紫陽塔銘俱

不收入殆不可解此碑以地僻故并不見於輿地志及他碑目可爲深惜故特表出之

清水寺在州南四十里紫溪里浪水之南

現光寺在州南六十里現光山其建始無考寺有銅佛像明正德四年鑄相傳鑄像時僧出募銅有一汲水女以一錢畀僧僧棄於井不顧既而鑄像不成僧疑棄錢故遂竭井取錢投入爐中像遂成背上錢形宛然山上又有仙城公主廟

普照寺在州南四十里府君山舊傳僧了靈始建境極幽

隨州志

卷十五

寺觀

十

遂岡巒互抱澗水環流實樓禪之勝地寺中樓殿層出勢取北向中爲大雄殿前有天王殿後爲方丈左爲客堂爲齋厨右爲藏經閣有僧六明重闡禪宗緇流雲集法席稱盛

國朝康熙十年長沙僧道階來棲安陸法雲菴爲郡守許廷試所敬廷試夕夢遊名山入禮古寺僧堅請修醒而異之命召階師而師已先期來寺備言其山巒狀恍符夢境因相與贊成閱二年告竣壯麗過於昔日學正王岱爲之記

雙泉寺在州南六十里洛陽店其建始無考寺有兩泉一名七寶泉一名珊瑚泉相傳昔人於井中探得諸寶故立石井上以名其泉寺爲蜀僧雲外卓錫地康熙初募建禪房見王岱浮槎別集

鐵塔寺在州南六十里洛陽店寺有鐵塔高三丈有奇元至正四年鑄

鳳山寺在州南六十里洛陽店舊頗狹小乾隆三十九年老僧碧潭苦行募修始爲恢廣遂與雙泉鐵塔並稱巨剎矣

隨州志

卷十五

寺觀

十一

圓通寺在州南六十里寺中有明嘉靖四十二年程希賢碑記

白雲寺在州南四十里辰山本名黃雲寺舊毀康熙初住持僧青雪重修遂改今名寺舊碑稱宋乾德五年建寺右普同塔與寺同建後有古松數百株鬱然幽徑

崇佛寺在城南四十里崇佛山本明顧氏捨宅康熙間僧鐵雲募修州人周之仲有記

塔汝山在州北一百二十里卽塔爲祖師殿建始無考爲春日修禊之所

萬法禪寺在州北四十里厲山坡明天啟元年僧德維建
國朝乾隆三十年僧惺谷重修知州李閻稜記

紫城寺在州北三十里紫城山

舊志尚有海會寺華嚴寺約時寺老滿寺海潮寺蓮花寺文殊寺白羊寺顓台寺太平寺水西寺普照寺雲水

寺今皆不知何在

元妙觀在南關內東街後宋元遺構也其建始年月無考

明萬曆間知州趙士貞重修

國朝康熙四十三年知州李國璋重建三清殿其前有天

符廟雍正六年建今廢

隨州志

卷十五 寺觀

十二

神農觀在州東北一百二十里烈山

詳山志

鸚鵡觀在州東北一百三十里鸚鵡山始建無考

玉皇閣在州東北一百五十里玉皇頂

玉皇閣在州東北一百九十里太乙山頂磬石成廟不知

何時建

眞武廟在州北一百九十里九龍山明正德二年里人後

琦建鑄鐵爲眞武像又鑄銅玉皇像

清和宮在州西北一百四十里雞鳴山上建始無考山頂

有眞武殿明宏治中僧淨裕建有碑歷記建修始末外

有靈官殿迴龍觀俱

國朝乾隆三十八年重修

眞武廟在州西北華寶山

寶德觀在州西四十五里

祖師殿在州西崙龍山今廢

舊志尙有金燈觀太平觀烏城觀玉眞觀今皆不知何在

龍王廟在城內夜光池前乾隆四十五年知州吳繁孫建
仁聖廟在龍會門外明正德十一年知州張延壽建祀東
嶽神後有玉皇閣左有天符廟今僅存基址

隨州志

卷十五 寺觀

十三

天符廟在小南門外雲路街後乾隆十六年里人建咸豐
年間毀

老關帝廟在漢東門外順治中山陝諸商公建今廢

仙城公主廟在州南六十里現光山詳山志

水府廟在州西北九十里唐縣鎮

舊志尙有隋文帝廟費神龍王廟夜光廟今皆廢

新城城隍廟在州北一百八十里大義里地名新城俗傳
爲舊益陽縣城有甌城遺基數十步舊土城二百餘丈
內有城隍廟至今裡祀不絕益陽縣於此地無考當是

義陽之訛然義陽魏縣不應於魏晉間已有城隍之祀
蓮花寺在州西北九十里佛殿前有蓮花古井隱約間時
現蓮花故名寺內有元泰定四年明成化六年宏治八
年碑誌

黑龍寺在州西北百里寺前有黑龍深潭故名

水南寺在水南山上

康甯寺在州西南一百里明代建寺外有娑羅古栢境極

幽邃

雲蓋寺在州西南八十里十九山唐代建

隨州志

卷十五 寺觀

十四